

高功復爐

香官使者左右龍虎君侍香諸靈官當令臣
向來宿啓建壇之所自然生金液丹碧芝英
百靈衆真交會在此香火爐前當願蠲誠上
達鳳華下臨察其五蘊之情畢乃一壇之願
使災不生而禍不作壽彌久而福彌昌厥子
厥孫轉榮轉貴十方仙童玉女接侍蘭煙傳
臣向來所奏之誠速達徑御
至真元極大道
三清上聖

吳天金闕玉皇上帝御前

知磬舉出堂頌 出戶

引至六幕堂

道門科範大全集卷之七

道門科範大全集卷之八

廣成先生 杜光庭剛定

消災道場儀

設醮行道

都講舉各禮師存念如法

高功宣衛靈呪

五星列照煥明五方 水星却災 木德致昌
榮感消禍 太白辟兵 鎮星四據 家國利亨
名刊玉簡 字鍊帝房 乘應散景 飛騰太空
出入冥無 遊宴十方 五雲浮蓋 招神攝風
役使萬靈 上衛仙翁 和與道合真

都講舉鳴法鼓二十四通

高功發爐

無上三天玄元始三炁太上老君召出臣等
身中三五功曹左右官使者左右捧香驛龍
騎吏侍香金童傳言散花玉女五帝直符直
日香官使者各三十六人出者嚴裝顯服
冠帶垂纓關啓此間土地方域神真臣今設
醮朝修謹奏爲入憲其諸丹悃具載疏文願
得

太上十方正真生炁靈寶瑞光下降流入臣
等身中令臣所奏之誠速達徑御
至真元極大道
三清上聖

吳天金闕玉皇上帝御前

都講舉請稱法位

具位臣某與合壇官衆等謹同誠上啓
虛无自然元始天尊太上玉晨大道君太上
金闕老君太上昊天玉皇上帝九皇至尊十
方靈寶天尊諸天大帝三十六部尊經玄中
大法師上相上宰上保上傳三官五帝十一
大曜星君十神太一真君南斗六司真君北
斗七元星君周天乾象二十八宿十二宮神
三百六十五度諸天列宿本命元辰天曹職
司九天真宰三山五嶽福地靖廬厚地洞宮
樓瀆主宰三界應感一切真靈巨闡玉天嚴
遠難陞浩劫之家金洞渺清徒仰素靈之館
粵尊帝而在上握化紀以居中啓十方無礙
之心應物而動號三界大慈之父視人如傷
俯仰鬱羅之臺卷舒投芥之劫回瞻萬兆悲

晉魯之蚌游俯盼九塵嘆漢宮之螻蟻自惟
下俗分絕仙階益憑受者之科詳登精微之
懇今有恭嚴持信帶密欵仙庭奠天鑒之下
觀察塵情之片善伏願九清至聖離幽密之
華宮十極元皇從飛虛之法駕百億天丁後

轡丹殿千二官君前迎翠輦擲火萬里下呼
陽而召陰旋香三輪上出日而入月極東遊
於熾水盡西景於虞汧南造朱陵之宮中盤
黃疑之府北盡夜城之闕下彈丘塞之泉至
於魯稱教父由太極之從行西號世尊自延
真而密侍元始符命疇敢不低俯傾心請之
誠仰望雲臨之駕臣等與齋官共無任欵切
之至稽首頓首再拜奉迎聖駕

降兩班聖位

三界眾真懸筵列聖向伸拜請諒沐光臨請
各整於僊班共抵迎於
帝馭

降帝 雲輿

鸞輿至上鶴駕臨軒與離列真如儀朝禮朝
禮既周請陞黜席禮官上香設拜初進酒

知磬舉散花 奏樂

具位臣某與臨壇官眾等謹重誠上啓
三清上聖寶界真靈竊以一元布景本無高
下之私萬兆肖形盡育清和之炁既死生之
寢遠逐好惡之森繁穢身縱溺於沉迷

大道每垂於善貸或罪根之彌甚慮陰責之
潛加苟悟百非即消萬禍今弟子某識神冥
滯營魄震驚由浩劫以淪胥亡元靈而奔踈
不攀覺樹樂登於炎鋒不契真庭甘焚於火
宅六曹縱逸三業纏綿迥惟高聖之宣慈大
庇合生而開度今弟子某皈道自首析天憐
容伏乞

至聖上靈高真大帝垂恩度厄錫命除殃解
片體之陰愆除億曾之兵錄闕罪先期於冰
釋迎釐次於雲臻俯伏對揚昇管待報欲
陳詞意仰進丹闈臣雖已考詳尚虞舛駁輒
冒天禁戰悸申聞齋意詞誠謹當宣奏

宣詞

按如詞言文理甚切披陳血膽傾寫精誠俯
伸臣子之誠庶盡謙恭之分仰乞

諸天上聖三府威靈俯賜威光洞垂昭鑒伏
願齋功紀籍道果資身增命祿於將來保椿
齡於向去仰荷真靈之德特祈福祐之恩臣
與齋官等無任懇祈之至再拜上香酒陳亞
獻

奏樂

臣謹重伸上啓

九清上聖十極高真合座應感一切真靈臣
聞玉帝鑒觀金真伺察感群生之希欵采庶
品以流思上士希仙即萬真而焚就善人微
福乃百順以妙嚴真貴精微事符響答今弟
子某騰詞清夜驛意紫閣爰啓誠心覬膺靈
默伏願解除世網進補仙階如許映全家俱
入華陽之館類劉綱盡室溥陞單綠之天陰
陽之數已逃生死之根永謝或干利仕使亦
踐於崇高或計資儲使亦豐於貨殖尊卑富
壽中外興昌幽明息訟之寃出處有亨嘉
之美慶均嗣續惠及親疎水火兵賊之災凶
無侵閭里夫婦女男之否厄不犯形軀庶保
生全永嚴香火巨與齋官等無任激切之至

再拜上香酒陳終獻

奏樂

臣謹重誠上啓

醜筵感降三府真靈巨開太極肇分二儀列
高卑之象元精既散五行推變化之方一寒
一暑而歲成一陰一陽而道立火炎而雨潤
雷動而風行生之成之盡出於陶鎔鼓舞動
者植者莫逃於消息盈虛理有盛衰時有損
益於坎則歸根復命於艮則反始成終是以
陽生必自於北方帝出乃由於震地蓋一元
之所始寔萬化之所宗故辰極端然居中則
衆星所以拱北發天地好生之德運陰陽不
測之神恢張出入之機總覽生成之柄況人
之禍福與時之盛衰悉在統臨盡由宣納設
醮弟子其久荷生成之德肅嚴香火之誠敢
盡誠禱恭伸懇請念天人之交可畏唯善是
親諒神明之德無私至誠可感願霽慈惠之
澤為收悔謝之誠臣與醮官等無任激切之
至再拜獻湯

奏樂

重稱法位

具位臣某與臨壇官衆等謹重誠上啓

大羅九皇至尊十方上聖三界應感一切真
靈臣聞黜則不告聖人垂簡易之文天且弗
違至道演披陳之典臣等欽崇上聖願被靈
恩敢不淨穢丹元洞防司殺奉明科而視禮
約仙禁以踐言一日告盟百身無改今則法
事粗息登寶月於洪儀夜如何其落銀河於
清漢鳳冠燈焰將欲暗於百危鷓尾爐煙時
已然於千和洞章八闕玉酒三鍾燂未火於
天錢即歸空際促瓊鐘於仙籟將返霄間玉
節還迤於紫虛寶蓋飄飄於碧漢向還玉京
者無極之尊帝復昇金闕者太上之真皇衆
靈咸從於丹轅列聖皆駢於紫策傍飛月鳳
指洞室以分驅控馭雲龍瞰滄溟而下邁神
司復職將吏還司委贊福以充庭敞靈光之
在目至於生靈萬彙皆均樂育之私寂寂九
幽盡被超昇之澤臣等凝瞻法從結想太空
極恨塵埃難留聖躅臣與醮官等不勝攀戀
之至奉送聖駕

知磬舉送聖頌

都講舉存神燒香

香官使者左右龍虎君侍香諸靈官當令臣
設醮朝修之所自然生金液丹碧芝英百靈
衆真交會在此香大爐前當願十方仙童玉
女接待蘭煙傳臣向來所啓之誠速達徑御
至真無極大道

三清上聖

昊天金闕玉皇上帝 御前

舉寶花圓滿天尊

奏樂

送神 化財 向來 回向 禮畢

道門科範大全集卷之八